

## Díptico para don Ricardo Carballo Calero

XOÁN XOSÉ FERNÁNDEZ ABELLA

### I)

#### SONETO EN LOOR DO EXIMIO DON RICARDO CARBALLO CALERO

Alta honra de Ferrol e de Galiza,  
enteiramente ás mesmas consagrado,  
estudioso incansable, namorado  
da Beleza, a Verdade e a Xustiza.

Túa entrega foi total sempre na liza  
polo traballo serio e ben logrado,  
un traballo profundo e artellado,  
que gran sabedoría patentiza.

Eu canto aquí un cume da Cultura,  
catedrático impar, poeta inmenso,  
sabio da Lingua e da Literatura.

Dramaturgo, ensaísta de fondura  
e de Galiza defensor intenso.  
Chegue ata ti miña loanza pura.

20 de Xullo do 2.014

(Publicado no meu libro "Loanzas  
sentidas e outros poemas" no 2018)

### e II)

#### A DON RICARDO CARBALLO CALERO, "LETRAS GALEGAS 2020", POR FIN!

Por fin chegou o Día! Xa era hora  
para facer xustiza á túa memoria,  
exemplo de honradez na nosa Historia,  
alma da nosa esencia defensora!

Péchense coa verdade as feridas.  
E iso hase acadar coa Democracia.  
Pensar que así non é, unha falacia.  
De paz encha a verdade as nosas vidas.

Volvo cantar "un cume da Cultura,  
catedrático impar, poeta inmenso,  
sabio da Lingua e da Literatura.

Dramaturgo, ensaísta de fondura,  
e de Galiza defensor intenso."  
Volvo brindarche a admiración máis pura.

Os Tilos, 21/Xaneiro/2020



José MOLARES, *Ricardo Carvalho Calero* (2010). Escultura en Santiago de Compostela.